

Concursu “Ruempi la mollera” del cursu 2013/2014.

Bases

1. Podrá participar tol alumnáu de 5^u y 6^u de Primaria matriculao en llingua asturiana de cualquier colexu del conceyu de Xixón.
2. Va entamar n’ochobre de 2015 y va rematar en mayu de 2016.
3. El concursu va desarrollase asina: nos meses d’ochobre, xineru y abril, propónse a les escueles participantes una entuga sobre dellos temes, que van requerir un pequeñu procesu d’investigación per parte l’alumnáu. L’oxetivu ye que cada escuela dea rempuesta al mayor númberu d’entrigues pa dir sumando puntos.
4. Les entrigues mandaránse per corréu al colexu participante al tiempu que s’espulicen na [web de la Oficina de Normalización Llingüística](#). Los/les participantes podrán pegala nel panel de la llingua que va tener caún de los centros que participen.
5. Les respuestes correutes valoraránse de 0 a 3, en función de los conteníos:
 - a. La ortografía (va valorase la correición llingüística, si nun hai nada escritu se pondrán 0 puntos nesi apartáu).
 - b. La orixinalidá
 - c. El conteníu, que sea un trabayu completu con daqué escritu y visual (dibuxos, semeyes, información, maquetes, figures, trabayos na rede...)
 - d. El trabayu en comuña.
 - e. La presentación.
6. L’alumnáu tien de plazu pa remitir les respuestes (pente medies del profesoráu de llingua asturiana) a la Oficina de Normalización Llingüística de Xixón, les selmanes que medien ente la publicación d’una entuga y la siguiente, habiendo una fecha llímite pa entregalos. La Oficina dirá contabilizando les puntuaciones de les escueles que participen y la clasificación provisional colos puntos algamaos por cada escuela, que se van unviar al tiempu que salen les nueves entrigues.
7. Nun van contar les respuestes, que, anque correutes, nun tean escrites n’asturianu.
8. La Oficina de Normalización Llingüística de Xixón va declarar ganadora a la escuela que más puntos algame, siendo perimportante la trayectoria durante tol concursu, valorándose enforma la regularidá na calidá de los trabayos presentaos durante tol concursu.
9. Los trabayos presentaos nun han tener munchu llargor magar que se puen axuntar maquetes, semeyes, dibuxos o otres manualidaes feches en comuña.
10. Si los trabayos presentaos tienen calidá, amás de subilos a la páxina web, fadráse una esposición coincidiendo cola entrega de premios. Cuando remate’l concursu, podrán recoyese tolos trabayos nes instalaciones de la Oficina de Normalización Llingüística y los que nun se recueyan enantes de finales del mes de xunu, destruiránse.
11. Les comunicaciones afayadices durante’l concursu podrán facese per corréu electrónicu o per corréu ordinariu, tando siempre en contautu la Oficina de Normalización Llingüística col

mayestru/a del colexu participante pa lo que necesitamos que nos apurra les sos señes y corréu electrónicu.

12. El premiu va consistir nun llote de llibros, xuegos y materiales didáuticos pa la escuela, y ye imprescindible la presencia de dellos escolinos/es na ceremonia d'entrega de premios nel mes de mayu nel Centru de Cultura Antiguu Institutu.

13. La participación nesti concursu supón l'aceutación dafechu d'estes bases.

[Más información sobre otres ediciones](#)